



21. november 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Ulloq unnuarlu angerlarsimaffinni paaqqutarineqartut toqqissisimasumik inooqataalernissaat qulakkeerniarlugu suliniutit suut tigussaasut ingerlanneqarpat?
2. Ulloq unnuarlu angerlarsimaffinni paaqqutarineqartut unnukkut unnuakkullu anisinnaasarnerat imaluunniit qimaasarnerat iliuuseqarfiginiarlugu suliniuteqartoqarpa?
3. Ulloq unnuarlu angerlarsimaffinni paaqqutarineqartut inoqarfinni serlersaasarnerat annertoq pinngitsoortinniarlugu sunik suliniuteqartoqarpa?
4. Ulloq unnuarlu angerlarsimaffinni paaqqutarineqartut politiit sulinerannut piffissamik annertuumik tiguisarnerat allanngortinniarlugu, ulloq unnuarlu angerlarsimaffinni sulisut pisinnaatitaaffiini sukaterisinnaanerannillu inatsisitigut naleqqussaasoqarniarpa?
5. Inatsisitigut sukaterinissamik pilersaaruteqartoqarpa?
 - a) Taamaassimappat suut sukaterniarneqarpat?
6. Naalakkersuisut allanik paasisutissaasinnaasunik peqarpat?

(Inatsisartunut ilaasortaq Erik Jensen, Siumut)

Tunngavilersuut:

Tusagassiorfitsigut politiit nalunaarutaat aammalu inuit tamak oqallittarfiitigut takussaaleralluttuinnarput ulloq unnuarlu angerlarsimaffinni paaqqutarineqartut illoqarfinni, soorlu Sisimiuni Nuummilu aammalumi nunaqarfinni soorlu Kangerlussuarmi, innuttaasut pigisaannik nalitoorujussuarnik soorlu ATV-nik, snescooterinik allaallumi biilini serlersaallutillu aallarussisaqattaartartut. Tamanna ajornartorsiut annertusiagaluttuinnartoq isiginngitsuusaaginnarneqarsinnaanngitsoq isumaqarpunga. Isumaqarpungalu inuup inuuneranik kinguneqarnissaa pinngitsoortinniarlugu sulisoqapallattariaqartoq politiit kommuunillu qanimut suleqatigalugit. Illuatungaanilu aamma taamak nalitutigisunik allat pigisaannik annerusumillu kinguneqartitsiviusanngitsumik utikattumik serlersaasarnerit pinngitsoortinniarlugit suliniutinik tigussaasunik minnerunngitsumillu tamakku pissutsit qanoq aaqqinniarneqarnersut paasisariaqaleripput. Inatsisit sutigut aaqqinniarneqarpat aammalu sukaterisoqarniarpa?

Apeqqutigineqartut ullut suliffiusut qulit iluanni akeqquneqarput.